

ԱՐՁԱՆԱԳՐՈՒԹՅՈՒՆ-N9

ԵՊՀ ԻՄ Տնտեսագիտության ֆակուլտետի գիտախորհրդի նիստի

30. 06.2020թ.

ք. Իջևան

Նախագահ՝
Քարտուղար՝

Գ. Ավետիսյան
Ա. Ալեքսանյան

Խորհրդի նիստին մասնակցում էին գիտախորհրդի բոլոր անդամները:
Բաց քվեարկությամբ ընդունվեց նիստի օրակարգը:

Օրակարգ /հունիս/

1. Ֆակուլտետի մասնագիտությունների ուսումնական աշխատանքային պլանների քննարկում և հաստատում /2020-2021/ Ձեկ. Մ. Միքայելյան, Գ. Հովհաննիսյան/:
2. Ֆակուլտետի մասնագիտական ամբիոնների ամբիոնային ծանրաբեռնվածությունների քննարկում և հաստատում /Ձեկ. Մ. Միքայելյան, Գ. Հովհաննիսյան/:
3. Ուսումնական խորհրդատուների և ԿԾ պատասխանատուների 2019-2020 ուստարվա երկրորդ /գարնանային/ կիսմյակի հաշվետվություն /Ձեկ. Ա. Սարիբեկյան, Ա. Ուլիխանյան/:

1. Լսեցին.- Ֆակուլտետի մասնագիտությունների ուսումնական աշխատանքային պլանների քննարկման և հաստատման մասին /2020-2021/: / Ջեկ. Մ. Միքայելյան, Գ. Հովհաննիսյան/

Լսեցին – Մ. Միքայելյանին

Մ. Միքայելյանը նշեց, որ 2020-2021 ուստարվա «Ֆինանսներ» մասնագիտության աշխատանքային ուսումնական պլանը կազմվել է ելնելով նախորդ երեք տարիների ուսումնական պլաններից: 2020-2021 աշխատանքային ուսումնական պլանների ժամանակին քննարկման և հաստատման հարցը շատ կարևոր է ամբիոնի աշխատանքների կազմակերպման համար, որովհետև դրա հիման վրա պետք է անմիջապես սկսել ամբիոնային և անհատական ծանրաբեռնվածությունների աշխատանքները: Նա նշեց, որ 2020-2021 աշխատանքային ուսումնական պլանների նախագիծն ամբողջությամբ համապատասխանում է ներկայացվող նորմատիվային պահանջներին և կարելի է ներկայացնել գիտական խորհրդի հաստատմանը:

Լսեցին - Գ. Հովհաննիսյանին

Գ. Հովհաննիսյանը նշեց, որ 2020-2021 ուս տարվա «Զբոսաշրջություն» մասնագիտության աշխատանքային ուսումնական պլանը կազմվել է ելնելով նախորդ երեք տարիների ուսումնական պլաններից և ամբողջությամբ համապատասխանում է ներկայացվող նորմատիվային պահանջներին:

Արտահայտվեցին – Ա. Սարիբեկյանը, Ա. Ուլիխանյանը

Որոշեցին. – Հաստատել ֆակուլտետի «Ֆինանսներ» և «Զբոսաշրջություն» մասնագիտությունների 2020-2021 ուստարվա ուսումնական աշխատանքային պլանների նախագծերը և ներկայացնել ԵՊՀ ԻՄ գիտխորհրդի հաստատման:

2. Լսեցին.- Ֆակուլտետի մասնագիտական ամբիոնների ամբիոնային ծանրաբեռնվածությունների քննարկում և հաստատում /Ձեկ. Մ. Միքայելյան, Գ. Հովհաննիսյան/:

Գ. Ավետիսյանը նշեց, որ ֆակուլտետի գիտխորհրդի հաստատման է ներկայացվել «Ընդհանուր տնտեսագիտություն» և «Տուրիզմի կառավարման և մշակութաբանություն» ամբիոնների ամբիոնային բեռնվածությունները, որոնք կազմվել են ուսումնական աշխատանքային պլանների հիման վրա և քննարկվել են համապատասխան ամբիոններերում:

Արտահայտվեցին – Մ. Միքայելյանը, Գ. Հովհաննիսյանը

Նրանք նշեցին, որ ամբիոնային բեռնվածությունները քննարկվել են ամբիոններում, նկատառումներ չեն եղել: Ուստի առաջարկեցին հաստատել ամբիոնային բեռնվածությունները:

Որոշեցին– Հաստատել «Ընդհանուր տնտեսագիտություն» և «Տուրիզմի կառավարման և մշակութաբանություն» ամբիոնների ամբիոնային բեռնվածությունները:

3.Լսեցին.- Ֆակուլտետի ուսումնական խորհրդատուների և ԿԾ պատասխանատուների 2019-2020 ուստարվա երկրորդ /գարնանային/ կիսամյակի հաշվետվություն /Ձեկ. Ա. Սարիբեկյան, Ա. Ուլիխանյան/:

Լսեցին.- Ուսումնական խորհրդատու Ա. Սարիբեկյանին:

Ա. Սարիբեկյանը նշեց, որ 2019-2020 ուստարվա թե առաջին, թե երկրորդ կիսամյակում առաջին կուրսի ուսանողները բավականին ինտերգրվել էին մասնաճյուղի ուսումնական և հասարակական կյանքին: Ակտիվ ու առանց բացակայությունների հաճախել են դասապրոցեսներին: Սակայն երկրորդ կիսամյակում նրանք, ինչպես ամբողջ համալսարանը, կանգնեցին փորձության

առջև: Մինչ հեռավար ուսումնառության անցնելը, ուսանողները բավականին ժամանակ ազատ էին դասապրոցեսից, ինչը հետագայում դարձավ խիտ գրաֆիկի պատճառ: Ավելացան նաև ինքնուրույն աշխատանքները: Ինքնուրույն աշխատանքների բալային գնահատումը և վերջնական գնահատականի մեջ դրա ներառումը մոտիվացրեց ուսանողներին: Դասախոսները գոհ էին ուսանողների դասընթացներին մասնակցությունից և առաջադրանքների արդյունքներից: Ուսանողները նշում էին, որ հեռավար ուսուցմը ավելի շատ ջանքեր և ինքնուրույնություն է պահանջում:

Քննաշրջանը ընթացավ նախատեսված ժամկետներում: Սակայն պետք է նշել հեռավար քննության առավել բացասական կողմը՝ այն շատ ժամանակատար է: Դասախոսները շատ հետաքրքիր մեթոդներ կիրառեցին քննական տոմսերի ընտրության և պատասխանների ընդունման համար, ինչը որոշ չափով լրացրեց այդ բացը: Ուսանողների ոչ մի հարց չէր մնում անպատասխան, իսկ սխալները ոչ միայն նշվում էին, այլ նաև մանրամասն կրկին բացատրվում:

Առաջին կուրսը երկրորդ կիսամյակում ուներ եզրափակիչ գնահատմամբ երկու առարկա: Յուրաքանչյուրից ուսանողների միայն 20%-ն է ստացել անբավարար գնահատական: Կարելի է ասել, որ նախորդ կիսամյակի համեմատությամբ արդյունքների էական փոփոխություն չկար:

Ուսանողների մշտական զբաղվածությունը թույլ չէր տալիս հաճախակի կապ հաստատել նրանց հետ: Սակայն կուրսի ավագի հետ մշտական կապը և ավագի պարտաճանաչությունը օգնեցին թե կանխել, թե լուծել արդեն ծագած խնդիրները:

Հունիսի 7-ին կայացավ հաջորդ ուսումնական տարում նախատեսված կամընտրական առարարկաների ընտրությունը: Ուսանողներին կողմնորոշելու համար կրթական ծրագրից ներկայացվեցին դասընթացների նպատակը, թեմաները և վերջնարդյունքները: Կարծում եմ ուսանողները հաջողությամբ ավարտեցին առաջին բուհական ուսումնական տարին: Ֆորսմաժորային պայմաններում ստացած

հեռավար ուսումնառության փորձը անհրաժեշտության դեպքում կօգնի խուսափել շատ բարդությունների:

Հսեցին.- Ուսումնական խորհրդատու Ա. Ուլիխանյանին:

Ա. Ուլիխանյանը նշեց, որ իրենց կողմից հիմնականում իրականացվել են ըստ 2019-2020 ուստարվա աշխատանքային պլանի նախատեսված գործընթացները: Մարտ ամսվա կեսերից աշխատանքներն իրականացվել են առցանց՝ կապված հանրապետությունում ԱԻ հայտարարելու հետ: Այս իրավիճակում լիովին չեն իրագործվել ՈԻԳ-ի և ՈԻԽ-ի համատեղ միջոցառումները:

Հսեցին.- «Ֆինանսներ» մասնագիտության ԿԾ պատասխանատու Ա. Սարիբեկյանին:

2019-2020 թթ. ուս տարվա երկրորդ կիսամյակի աշխատանքները մեծամասամբ անցան հեռավար, պայմանավորված COVID-19 պանդեմիայով: Հիմնական ուշադրությունը ուղղված էր ավարտական կուրսին: Փետրվարի 10-ից «Տնտեսագիտություն» մասնագիտության ավարտական կուրսի ուսանողները, Ա. Ալեքսանյանի ղեկավարությամբ, հաջողությամբ անցան արտադրական պրակտիկան տարբեր հաստատություններում: Պրակտիկայի վայրերը և դրանց համապատասխան կազմված ծրագրերը թույլ տվեցին ուսանողներին գործնական տեղեկատվություն հավաքել ավարտական աշխատանքների պատրաստման համար: Պարբերաբար, հեռավար հանդիպումների միջոցով, պարզվել են աշխատանքների ընթացքը, կատարողականը և ծագող խնդիրները: Ապրիլի 30-ին կայացավ նախապաշտպանությունը, որի ընթացքում քննարկվեցին խնդիրները և ուսանողները ստացան կարևոր խորհրդատվություն: Նախապաշտպանությունը առավել արդյունավետ էր, քանի որ մասնակցում էին ավարտական աշխատանքների ղեկավարները: Հիմնականում խնդիրները պայմանավորված էին հեռավար հանդիպումներով ղեկավարների հետ, սակայն բոլոր ուսանողները նշված ժամկետներում հանձնեցին աշխատանքները: Պաշտպանությունից առաջ

յուրաքանչյուր ուսանողի հետ հեռախոսային զանգով պարզվել է պատրաստվածությունը (համակրգչի, հեռախոսի, ականջակալի առկայությունը): Որից հետո կայացավ հանդիպում, որին մասնակցում էր նաև ԵՊՀ ԻՄ տնօրենի պաշտոնակատար պարոն Ա. Մակարյանը: Ուսանողների 40%-ը նշեց համակարգչի բացակայությունը և ինտերնետային կապի խափանումները: Քննարկման արդյունքում որոշվեց խմբերով օգտվել մեկ համակարգչից, իսկ մեկ ուսանող ցանկություն հայտնեց պաշտպանությունը անցնել համալսարանի համակարգչային սրահում: Պաշտպանությունը անցավ առանց խոչընդոտների, անբավարար գնահատական չկար:

«Ֆինանսներ» մասնագիտության երրորդ կուրսում նախատեսված կուսային աշխատանքների կատարման ընթացքը նույնպես իրականացվել է հեռավար հանդիպումներով և կուրսի ավագի հետ հեռախոսային զանգերով: 17 ուսանողից միայն 5-ը հանձնեցին աշխատանքները և պաշտպանեցին նախատեսված ժամկետում: Մյուսները, պատճառաբանելով խիտ դասացուցակը և ծանրաբեռնվածությունը ինքնուրույն աշխատանքներով, ցանկություն հայտնեցին տեղափոխել պաշտպանությունը լուծարքային շրջան:

Հունիսի սկզբին կազմակերպվել է առաջին, երկրորդ և երրորդ կուրսերի կամընտրական առարկաների ընտրությունը: Հանդիպումների ժամանակ ուսանողներին կողմնորոշելու համար քննարկվել են դասընթացների նպատակները, խնդիրները և վերջնարդյուքները:

Դասախոսների հետ քննարկումներ են կազմակերպվել մասնագիտական դասընթացներում հետազոտական աշխատանքի կատարման հետ կապված: Հետազոտական բաղադրիչով դասընթացների ցանկը կցված է: Սրա հետ պայմանավորված փոփոխությունները ներառվել են կրթական ծրագրում: Ամբիոնի վարիչ Մ. Միքայելյանի հետ համատեղ կազմվել է 2020-2024 ուս. տարիների կրթական ծրագիրը:

Բոլոր կուրսերի քննություններին մասնակցությունը թույլ տվեց պարզել հեռավար դասավանդման թե խնդիրները, թե հնարավորությունները հետագա աշխատանքների կազմակերպման համար: Դրանք կներկայացվեն նոր ուսումնական տարվա կազմակերպման համար նախատեսված հանդիպումներին:

Հսեցին.- «Զբոսաշրջություն» մասնագիտության ԿԾ պատասխանատու Ա. Ուլիխանյանին

Ա. Ուլիխանյանը նշեց, որ որպես «Զբոսաշրջություն» մասնագիտության կրթական ծրագրերի ղեկավար, 2019–2020 ուստարվա ընթացքում առաջնորդվել է նախապես հաստատված աշխատանքային պլանով: Իրենց կողմից աշխատանքներն իրագործվել են տնօրինության, ՄԿՈԱ բաժնի, ղեկանատի, ամբիոնի վարիչի մշտական աջակցությամբ: Ուսումնական տարվա 2-րդ կիսամյակում՝ մարտ ամսվա կեսերից աշխատանքներն իրականացվել են առցանց՝ կապված հանրապետությունում ԱԻ հայտարարելու հետ: Պլանով նախատեսված աշխատանքները հիմնականում իրագործվել են, բացի ավագ դպրոցների ավարտական դասարաններում մասնագիտական կողմնորոշման նպատակով հանդիպումների անցկացումը / աշխատանքային պլանի 10-րդ կետ/:

1. Որոշեցին - Տնտեսագիտության ֆակուլտետի «ֆինանսներ» և «Զբոսաշրջություն» մասնագիտությունների առաջին կուրսերի ուսումնական խորհրդատուների աշխատանքները գնահատել բավարար:

2. Որոշեցին - Տնտեսագիտության ֆակուլտետի «ֆինանսներ» և «Զբոսաշրջություն» մասնագիտությունների ԿԾ պատասխանատուների աշխատանքները գնահատել բավարար:

***Նախագահ՝
Քարտուղար՝***

***Գ. Ավետիսյան
Ա. Ալեքսանյան***